



# NUKISSIORFIIT

**NUKISSIORFIIT**

**Innaallagissamik kiassarnermik**

**tamanik pilersuinerminni  
piumasaqaataat nalinginnaasut**

**Nr. 3, 15.07.2026-mit atuutilersut**

## Aallaqqaasiut

Nukissiorfiit innaallagissamik kiassaanermik pilersuinermini piumasaqaataat nalinginnaasut tassaapput inatsisitigut tunngavissat uppersaataasut pingaarutillit Nukissiorfiit aamma

- Illuutini inissianillu nammineq pigisanik (piginnittoq) innaallagissamik pilersuinermit attavilerneqarsimasut,
- Innaallagissamik pilersuinermit atuisut (atuisoq) aamma
- Innaallagissiorlut akuersissuteqarlutik suliarinnittartut akornanni.

Allassimasuni tamanut taaguutitut atorineqarput piginnittoq aamma atuisoq, tamanna siunertamut tulluartausorineqarpat. Sullitaq tassaavoq inuk nammineq imaluunniit inatsisitigut inuk, Nukissiorfiit uuttuutaannut ataatsimut arlalinnulluunniit akillisarnissamut nalunaarsimasoq.

Piginnittup, atuisup aamma innaallagissiorlut Nukissiorfiit pilersuinerminni piumasaqaatai nalinginnaasut ilisimasariaqarpai, pineqartumut attuumassuteqarsinnaasut eqqarsaatigalugit.

Nukissiorfiit atuisullu akornanni isumaqatigiissuteqarnermut tunngavissut aalajangersarneqarsimapput Nukissiorfiit innaallagissamik, imermik kiassarnermillu tamanut pilersuinerminni tuniiaanermut piumasataanni aalajangersakkatigut aamma Nukissiorfiit innaallagissamik kiassarnermik tamanut pilersuinerminni piumasaqaatai nalinginnaasut tunngavigalugit.

Piginnittut, atuisut innaallagissiorlut kiisalu Nukissiorfiit pisussaaffigaat inatsisit, peqqussutit, nalunaarutit malittarisassat assigisaalu qaqugukkulluunniit atuuttut malinnissaat. Taakkunani pingaartumik ukua maluginiaqquneqarput:

- Erngup nukinganit nukissiorfiit pilersuiffiini innaallagisq kiassaattut atorineqarsinnaalersikkumallugu innaallagissamik kiassaatinut attavilersinnissamik pisussaaffeqarneq pillugu Inatsisartut peqqussutaat nr. 2, 31. oktober 1991-imeersoq aamma Inatsisartut peqqussutaat nr. 3, 16. maj 2008-meersoq.
- Sanaartukkat innaallagissamut sakkortuumut atugassat atortullu innaallagiatortut pillugu Inatsisartut peqqussutaat nr. 12, 3. november 1994-imeersoq (2019-imi allannguuteqartinneqartoq).
- Nukissamik pilersuineq pillugu Inatsisartut peqqussutaat nr. 14, 6. november 1997-imeersoq (2007-imi aamma 2017-imi allannguuteqartinneqartoq).
- Innaallagissamik pilersuinermit atortunut atortunullu allanut atassusiinermut malittarisat aalajangersarneqartarnerat pillugu Namminersorluttik Oqartussat nalunaarutaat nr. 13, 11. juuni 1996-imeersoq ("Ataatsimut aalajangersakkat, Atortut innaallagiatortut atortullu innaallagissamut atugassat attavilerneqartarnerat"(FR)kalaallisut ilassutitalik)
- Nukissiuutinit ataavartunit innaallagissamik sinneruttumik suliffeqarfinnut pilersuisuunut pilersuineq tunisarnarlut pillugu Namminersorluttik Oqartussat nalunaarutaat nr. 21, 9. november 2013-imeersoq (namminerluni tunisassiornermut nalunaarut)
- Innaallagissamut, imermut ataatsimoortumillu kiassarnermut il.il. akigititanik aalajangersaasarneq pillugu Namminersorluttik Oqartussat nalunaarutaat nr. 22, 22. december 2017-imeersoq.
- Innaallagissamik ikkussuinerit suliarineqarnerannut ingerlanneqarnerannullu isumannaallisaaneq pillugu Namminersorluttik Oqartussat nalunaarutaat nr. 21, 12. december 2019-

imeersoq

- Innaallagiatortumik kiassarnermik qaminneqarsinnaasumik aqutsinissarmut maleruaqqusaq

## Imarisai

|                                                          |    |
|----------------------------------------------------------|----|
| Aallaqqaasiut.....                                       | 2  |
| 1. Nassuiaatit.....                                      | 5  |
| 2. Aallarniutitut aalajangersakkat .....                 | 7  |
| 3. Attavilersinnermut aalajangersakkat.....              | 8  |
| 4. Innaallagissamik kiassaanermut attavilersuinerit..... | 10 |
| 5. Ingerlatsineq aserfallatsaaliuinerlu .....            | 13 |
| 6. Maalarfissaq .....                                    | 14 |

## 1. Nassuiaatit

### Innaallagissamik kiassaa- neq

#### 1.1

Innaallagissamik kiassarnermut akiliisitsiseriaatsit marluupput: Innaallagiatortumik kiassaanertut aalajangersimasutut imaluunniit innaallagissamik kiassarnertut qamittakkatut.

Innaallagissamik kiassarneq erngup nukinganik aallaavilik makku pissutigalugit kisimi atoqqusaavoq:

- Erngup nukinganik aallaaveqarluni qitiusumik kiassateqarfik kingorna ungasianit kiassarnermut nuunneqarsinnaavoq
- Teknikkikkut atortut allat soorlu kiassarnermut pumpit kingorna atorneqalersinnaapput nukissamik sipaarniutitut
- Imermut kissartumut imiisivimmi nukissamik uninngatit-sisoqarsinnaavoq innaallagissamik atuiffiunerpaaffiup naalaani pilersuineramik apparsaatitut.

### *Innaallagissamik kiassarneq ataavartoq*

#### 1.1.1

Innaallagissamik kiassarneq ataavartoq illuummi kiassaait innaallagiatortut, kiassarnermut pumpit imaluunniit kiammik supoortitsinermit ventileqarfiit atorlugit, imerlu kiassarnermut atortoq kissanneqartarpoq uunnaavimmit innaallagiatortumik. Kiassarneq innaallagiatortoq ataavartoq uunnaaviit imaluunniit kiassarnermut pumpit erngup nukinganik aallaavillit atorlugit pilersinneqartarpoq.

Innaallagissamik kiassaaneq ataavartoq taamaallaat ininik kiassaanermut atorneqarsinnaavoq imerlu kiassaanermut atugaq najugaqarfinni suliffeqarfinnilu atugassiaalluni. Kiassaaneq innaallagiatortoq ataavartoq saunanut kissarsuutitut assigisaanulluunniit atoqqusaanngilaq.

### *Innaallagissamik kiassaa- neq qaminneqarsinnaasoq*

#### 1.1.2

Innaallagissamik kiassaaneq qaminneqarsinnaasoq ikkunneqartarpoq kiassaait uuliatortoq, kiassaaitut innaallagiatortutut atugassaq. Kiaap pissarsiarineqartup ini kiassartarpaa imerlu kiassaanermut atugaq kissattarlugu sumiiffimmi tamanut pilersuiffiutsumi nukissaq ataavartoq naammattoq pigineqartillugu. Kiassaait uuliatortup illuutip tamarmiusup kiammik pisariaqartitsinera taarsersinnaavaa, taamaaliornikkut innaallagissamik pilersuineq kiassaanermik innaallagiatortumik qamitsinikkut oqiliisaanneqarsinnaaqqullugu.

### Innaallagissamut uuttut

#### 1.2

Uuttuut, innaallagissap atorneqartup qanoq annertutigineranik nalunaarsuisartoq.

|                                |                                                                                                                                                                               |
|--------------------------------|-------------------------------------------------------------------------------------------------------------------------------------------------------------------------------|
| <b>Attavilerfiup sumiiffia</b> | 1.3<br>Nukissiorfiit pilersuinnermut aqqutaanut attavilerfiup sumiiffia. Attavilerfiup sumiiffia transformerstationimiissinnaavoq, kabeleqarfimmi imaluunniit napparussuarmi. |
| <b>Ledningi attaviliissut</b>  | 1.4<br>Attavilerfiup sumiiffiata atuisullu ikkussiffiata akornanni attaviliineq.                                                                                              |
| <b>Ledningi pingaarneq</b>     | 1.5<br>Atuisup ikkussiffiata kiisalu uuttuutip kiassaanermillu nalunaarsuiffiup akornanni attaviliineq.                                                                       |

## **2. Aallarniutitut aalajangersakkat**

### **El-installatøri/innaallagialerisoq akuersissummik pigisalik**

#### **2.1**

Innaallagissamut attavilersuinerit innaallagissiortumit akuersissutilimmit suliarineqarnissamik pisariaqartitsisut tamarmik suliarineqartussaapput innaallagissiortumit Kalaallit Nunaanni Innaallagissamut Oqartussaasunit akuersissummik pigisalinnit.

Suliassat tamakkerlugit suliarineqartassapput akuersissut naapertorlugu aamma innaallagissamut tunngatillugu malittarisassat inatsisillu atuuttut malillugit.

### **Pitsaassuseq**

#### **2.2**

Nukissiorfiit anguniagaraat pilersuinerup pitsaassusillip aalaja-ngersimasuunissaa, sakkortussusissaq nalinginnaasoq atorlugu tassalu 3 x 230/400 V, tak. Innaallagissamik ikkussuinerit suliarineqarnerannut ingerlanneqarnerannullu isumannaallisaaneq pillugu Namminersorlutik Oqartussat nalunaarutaat nr. 21, 12. december 2019-imeersoq.

Nukissiorfiit innaallagissamik pilersuinerminni taamaallaat attavilerfiup sumiiffianut pilersuineq akisussaaffigaat. Attaviiit ikkussuinerillu attavilerfiup sumiiffiata kingornaniittut Nukissiorfinnit akisussaaffigineqanngillat.

### **3. Attavilersinnermut aalajangersakkat**

#### **Innaallagissamik kias- sarneq ataavarteq**

##### **3.1**

Nukissiorfinnit neqeroorutigineqarneq ajorput innaallagiassamik kiassaanermut attaviliinissat nutaanut. Tamanna imatut paasineqasaaq innaallagissamik kiassarneq ataavarteq taamaallaat akuerineqartarmat ikkussiffinni akuerisaareersuni taamalu sanaartorfinni nutaaniunngitsoq, immikkut akuersissuteqartoqarsimanngippat.

Nukissiorfiit sanaartukkanut nutaanut nassuiaataat tassaavoq sanaartugaq nutaamik B-normulik imaluunniit nunaminertaq illup allineqarfiaata eqqaani illup pioreersup nunaminertaata assinga. Nutaamik sanaartortoqartillugu sanaartukkamik piginnittup kiassaasorsornissaq aningaasaliiffigisussaavaat taamatullu attavilerneqarneq. Illuliani nutaani kommunep najukkami pilersaarummut ilassutaa malineqartussaavoq kiassaanermullu pilersuinnermut attavilerneqarnissamik pisussaaffik atuukkajuttarluni taamatullu innaallagissamik imaluunniit ungasianit kiassaanissamut pisussaaffik, Nukissiorfiit malittarisassaasat malillugit pisussaq.

#### **Innaallagissamik kiassaa- neq qaminneqarsinnaasog**

##### **3.2**

Illoqarfinni nunaqarfinnilu nukissamik ataavartumik tunisassiornermi sinneruttut atorlugit innaallagissamik kiassagaanermut qaminneqarsinnaasumut attaviliisoqarsinnaavoq, sumiiffik taamaaliornissamut piukkunnassarneqarsimappat. (takukkit kiassarnermut periarfissatut missingiussat titartarneqarsimasut).

Atuisup inatsit atuuttoq naapertorlugu kiassaanermik pisariaqartitsinini pisinnaatitaaffigaa, innaallagiamik kiassaanermik qamittakkamik peqarnera aalajangiissuutinnagu, Nukissiorfiit innaallagissamik pilersuinnermik kalerreeqqaaratik qaqugukkulluunniit unitsitsinnaasussaammata piffissami, sivisuumi atuuttussamik.

Nukissiorfiit pilersuisutut inatsisit atuuttut malillugit sullitat pisortaneersut namminersortuneersullu peqqusinnaavaat kiassarnissaq siunertaralugu uunaavissuarnik innaallagissamik pilersuisussanik ikkussueqqullugit.

Atuisup pisussaaffigaa innaallagissamik uunnaavissuup kiammik tunniussinnaasaa atorlugu pilersorneqarnissani. Taassuma saniatigut pisariaqartitsisoqarpat nammineq kiassaammunit imminut pilersorinnaavoq, taannalu atorineqarnissaminut piareersimajuaannartussaavoq aserfallatsaaliorneqartussaallunilu.

Innaallagissamik kiassaanermi qaminneqarsinnaasumi uunnaavisuarmik ikkussineq Nukissiorfinnit isumagineqartussaavoq, Nukissiorfiit akiligaannik. Sapinngisamik atuisup kissaatai malillugit uunnaavissuaq inissinneqartussaavoq assigisaanillu. Nukissiorfiit atu-



isoq suleqatigalugu uunnaavissuup angissusissaa alajangiiffigisus-  
saavaat.

Kiassarnermut qaminneqarsinnaasumut kiassaatit allat atorneqarnis-  
saat kissaatigineqarpat Nukissiorfiit qinnuteqarnissamut immersu-  
gassaa nittartakkamiittoq atorlugu qinnuteqartoqarsinnaavoq.

**Innaallagissamik kias-  
saanissamut qinnuteqaat**

3.3

Innaallagissamik kiassaanermut qaminneqarsinnaasumut attaviler-  
neqarnissamik qinnuteqaasiornissamut immersugassaq Nukissiorfiit  
nittartagaanni nassaarineqarsinnaavoq: [https://nukissior-  
fiit.gl/da/Produkter/Varme/Elvarme](https://nukissiorfiit.gl/da/Produkter/Varme/Elvarme)

**Attavilerneqarnissamut  
atuisutut nalunaarneq**

3.4

Innaallagissamik kiassaanermut attavilerneqarnissamut nalunaarneq  
elektroniskimik pissaaq una aqutigalugu [www.eltilmelding.dk](http://www.eltilmelding.dk) at-  
taviliisussaavorlu innaallagissiortoq akuersissummik pigisalik, Nu-  
kissiorfiit qinnuteqaammut akuersissuteqareernerisigut attaviliisus-  
saq, kingusinnerpaamik qaammatit 12-t qaangiutsinnagit.

Attaviliinerup naammassineranut peerneranullu  
nalunaaruteqarnissamut pisussaaneq innaallagissiortumiippoq.

Nalunaarfissap qaangiunnerani attaviliineq pillugu  
nalunaaruteqartoqarsimanngippat, innaallagiatortumik  
kiassaanermut akuersissut atorunnaassaaq, taavalu aallaqqaataaniit  
qinnuteqartoqarsinnaalissalluni.

#### **4. Innaallagissamik kiassaanermut attavilersuinerit**

##### **Piareersaaneq suliaqarnerlu**

###### **4.1**

Innaallagissamik kiassaanermut attaviliineq sugaluarterluunniit piareersaqaagassaavoq akuersissuteqarnikkullu ikkussuunneqartussaalluni, inatsisit qaqugumulluunniit atuuttut Nukissiorfiillu malittarissassai malillugit.

Attaviliinerit piareersarneqarsimanngikkunik siulianilu allassimasut malillugit ikkussorneqarsimanngippata attavilersuinerit allanngortinneqarnissaat Nukissiorfiit piumasarisinnaavaat. Taamatut pisoqanngippat Nukissiorfiit pisussaaffigaat pilersuinermit unitsinissartik.

##### *Attaviliineq*

###### **4.1.1**

Innaallagissamik kiassaanermut attavik innaallagiaq inissisimaffissarlu eqqarsaatigalugit innaallagissamik attavilerneqarfimmut allamut avissaartillugu inissinneqassaaq. Innaallagissap aqqutai fase-nut pingasunut annertussusiligaassapput.

##### **Atuinermit uuttuummik ikkussineq**

###### **4.2**

Innaallagissamut uuttuummik immikkoortumik ikkussisoqassaaq, innaallagissamik kiassaanermut akigititat malillugit akilersorneqartussamik. Uuttuut inissinneqassaaq innaallagissamut uuttuutip nalingaasup sanianut, innaallagissamut akigititat nali-ngaasut atorlugit akilersorneqartussamik.

Tamatuma saniatigut innersuussutigineqassapput innaallagissamik, imermik kiassanermillu Nukissiorfiit tamanik pilersuineranni tuniniaanermut piumasaqaatit, Nukissiorfiit atuinermit uuttuummik ikkussunerannut atatillugu.

##### **Illumi pilersuinermit kabeli**

###### **4.3**

Innaallagissamut uuttuummiit innaallagissamik pilersuinermit kabeli pingasunik fasilik aamma nul-lederilik innaallagissamik kiassaanermik nalunaarsuiffimmut ingerlanneqassaaq.

##### **Innaallagiatortumik kiassanermut nalunaarsuiffik**

###### **4.4**

Innaallagissamik kiassanermut nalunaarsuut ikkussaq allat sanilannut ikkunneqassaaq. Nalunaarsuiffiup sannaani tulluarterumik aqerlorterinissamut periarfissaqassaaq.

Sikringip angissusissaanut aalajangiisuussaaq qanoq atutiginermit nalunaarsuineq, sikringilu aattartuusinnaavoq imaluunniit imminut aquttuusinnaalluni, pisariaqartitsineq qanorlu akuersissuteqarneq tunngavigalugit.

Nul-lederi ikkussukkanut ingerlatinneqassanngilaq, nalunaarsuiffiulli iluani aqutsisutut atorneqarsinnaalluni. Nul-

lederi taamaallaat illup iluani kabelip pilersuisuusup  
naaneratigut peerneqarsinnaavoq taamaallaallu  
aqutsisuusinnaasunut ingerlatillugu tassungali unitsillugu.

Kiassarnermut pumpeqarfik pineqarpat nul-lederi  
ikkussuinermit ilanngunneqarsinnaavoq.

*Innaallagissamik kiassarneq  
ataavartog*

4.4.1

Ataatsikkut qamittaait kiggeqquserneqassanngillat imaluunniit  
nul-imut qamittaaserneqartussaanatik. Aquttaataasinnaasullu  
matumani pineqanngillat, 230V-it natermik kiassarnermut ka-  
belit ataatsimoortut imaluunniit 3x400/230V-kiassarnermut  
pumpimut atorneqartut, tak. Immikkoortoq 4.6.1. kissassutsi-  
mik uuttuutitut tunngasut, innaallagiatortumik kiassarnermut  
ataavartumut tunngatillugu.

*Innaallagissamik kias-  
sarneq qaminneqarsinnaasog*

4.4.2

Nalunaarsuiffimmi innaallagiatortumik kiassanerup attavilerfia-  
nik nammineerluni qamitsisinnaaneq periarfissaassaaq. Nukissi-  
orfiit aqutsinermit atortussanik aalajangersaassapput ["Innaal-  
lagiatortumik kiassarnermut qaminneqarsinnaasumut aqutsiner-  
mut maleruagqusaq"](#) naapertorlugu.

Ataatsikkut qamittaait kiggeqquserneqassanngillat imaluunniit  
nul-imut qamittaaserneqartussaanatik. Tamatumanili  
pineqanngillat aquttaataasinnaasut imaluunniit 3x400/230V-  
uunnaaviit innaallagiatortut imaluunniit uunnaavissuit  
ataatsimoortut arlariit tak. Immikkoortoq 4.6.2 kissassutsimik  
uuttuutitut tunngasut, innaallagiatortumik kiassarnermi  
qaminneqarsinnaasumi.

*Ataatsikkut/tulleriissaartumik  
attaviliineq*

4.4.3

Innaallagiatortumik kiassarnermut attaviliinermit pi-  
umasaqaatigineqarsinnaapput kissassutsimut ataatsikkut  
imaluunniit tulleriis-saartumik attaviliisoqarnissaa aamma aall-  
artitsissutit piffissalersoriikkat. Mikisualuit tassunga tunngasut  
nittartakkami uani takuneqarsinnaapput: [innaallagiatortumik  
kiassarnermut qamittakkamut aqutsinermit maleruagqusaq](#).

**Attaviliinermit atortut**

4.5

Atortut ikkussuiffiillu sapinngisamik ikittuinnaassapput. Periar-  
fissaappat attaviit aalajangersimasut ikkunneqassapput kissas-  
sutsimullu uuttuut naaneranut ikkunneqarluni.

**Kissassutsimik nalu-  
naarsuinerit**

4.6

*Innaallagissamik kiassaaneq  
ataavartog*

4.6.1

Kissassutsimut uuttuutit 400 V-imik sakkortussusillit, init  
erngullu imertakka kissassusaanut uuttuutit  
ikkussorneqarsinnaapput. Kissassutsimut uuttuutit tamarmik  
aalajangerlugit ikkussuunneqarsimasussaapput.

Innaallagissamik kiassarnermut kabelit naqqup kiassarneranut  
atortussiat 230 V-imut ikkunniisaat ajornanngilaq,

sunniutissaattut kissaatigineqartoq 400 V ikkunneqarnermini angusinnaanngippagu.

Innaallagissamik kiassanermut kabelit 230 V-it toqqoqqasuussapput (qumartitaallutik iikkamulluunniit morsusimallutik). Inaallagiatortumik kiassanermut kabelit aqutsiviat inissinneqassaaq innaallagiatortumik kiassanermik nalunaaruiffimmut.

Kiassarnermut pumpit 3x400/230 V-it attavilerneqarsinnaapput, kompressorimik 3x400 V-mut pissarsisoqarsinnaanngippat. Attaviliisoqassaaq innaallagissamut ikkuffimmut imaluunniit toqqaannartumik ingerlatitseqqiiffimmut atassuserlugu, naanera kiassarnermut pumpimut ikkullugu.

Silaannarissarfiit innaallagiamoortut ikkunneqarnissaat akuerineqarsinnaapput, kiassaataa immikkut ikkunneqarsinnaappat.

Silaannarissarfiit kiammik atueqqissinnaasut sakkortussusissaat tamarmiisoq 2,5 kW-ip tungaanoortoq, 3x400/230 V-mutimoortoq akuerineqarsinnaavoq, aqputaa innaallagiatortumik kiassaateqarfimmut immikkoortillugu ikkunneqarsinnaappat. Ikkussineq innaallagissamut ikkuffimmut imaluunniit ingerlatsitseqqiiffimmut toqqaannartumik ikkunneqassaaq, naanera silaannarissarfeqarfimmut ikkullugu.

*Innaallagissamik kiassaaneq  
qaminneqarsinnaasoq* 4.6.2

Unnaavissuit innaallagiatortut imaluunniit uunnaavissuit ataatsimoortut kissassutsimut uuttuusikkat 400 V-mik sakkortussusillit ikkunneqarsinnaapput. Uunnaavissuit innaallagiatortut imaluunniit uunnaavissuit ataatsimoortut 3x400/230 V-mik sakkortussusillit ikkunneqarsinnaapput, taamaallaat nul-lederimut aqput uunnaavissuarmut aquttakkamut ikkunneqarsinnaappat. Ikkussineq suliarineqassaaq innaallagissap ikkuffianut imaluunniit ingerlatsitseqqiiffimmut toqqaannartumik ikkussinikkut, naanera uunnaavissuarmut innaallagiatortumut ikkullugu.

Kiassarnermut pumpit 3x400/230 V-mut ikkunneqarsinnaapput, atortunik 3x400 V-mut kompressorinik pissarsisoqarsinnaanngippat. Ikkussineq innaallagissamut ikkuffimmut imaluunniit ingerlatsitseqqiiffimmut toqqaannartumik ikkunneqassaaq, naanera kiassarnermut pumpimut ikkullugu.

Uunnaavissuarni ataatsimoortuni uuliamik ikummarissisitsisartoq aamma pumpi kaaviiartitsisoq innaallagissamut attavilerneqassapput, qaamaneq/sakkortussuseq nalinginnaasoq pilersinniarlugu.

## **5. Ingerlatsineq aserfallatsaaliuinerlu**

### **Ataatsimut isigalugit**

5.1

Illuummi innaallagiatortumik kiassaanermut atortut tamatigut iller-sorsinnaassusilimmik ikkussorneqarsimasussaapput.

### **Innaallagissamik kiassaaner- mut attaviit**

5.2

Nukissiorfiit innaallagissamik pilersuineranni piumasaatit nalinginnaasut innersuussutigineqassapput.

## **6. Maalarfissaq**

### **Maalaarfissaq**

#### **6.1**

Atuisoq Nukissiorfiit sullissinerinik, akiligassiinerinik il.il. naammaginninngippat, tamanna suliaasaqarfimmi naalakkersuisoqarfimmut naammagittaalliuutigineqarsinnaavoq.